



Broj: 02-50-6-16-33/13

Sarajevo, 5.11.2013.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11.11.2013

Organizaciona jedinica	Klasifikaciona oznaka	Redni broj	Broj priloga

ZAPISNIK

33. sjednice Doma naroda

Parlamentarne skupštine Bosne i Hercegovine,
održane 5.11.2013.

Sjednica je počela u 12 sati i 20 minuta.

Do završetka prve tačke dnevnog reda sjednice Doma sjednicom je predsjedavao Ognjen Tadić, predsjedavajući Doma naroda Parlamentarne skupštine BiH, nakon čega je predsjedavanje nastavio Dragan Čović, prvi zamjenik predsjedavajućeg Doma naroda Parlamentarne skupštine BiH.

Sjednici je prisustvovalo 13 delegata. Odsustvo su opravdali delegati Sulejman Tihić i Hasan Bećirović.

Osim delegata, sjednici Doma naroda prisustvovali su predstavnici: Vijeća ministara BiH, međunarodnih organizacija i sredstava javnog informiranja.

Predsjedavajući je konstatirao da je Kolegij Doma naroda utvrdio sljedeći dopunjeni

DNEVNI RED

1. Prijedlog odluke o razrješenju predsjedavajućeg Doma naroda Parlamentarne skupštine Bosne i Hercegovine, broj: 02-50-6-145/13, od 5.11.2013.;
2. Prijedlog odluke o izboru predsjedavajućeg Doma naroda Parlamentarne skupštine Bosne i Hercegovine, broj: 02-50-6-146/13, od 5.11.2013.
3. Prijedlog odluke o smjeni ministra vanjske trgovine i ekonomskih odnosa Bosne i Hercegovine, zamjenika ministra odbrane Bosne i Hercegovine i zamjenice ministra za ljudska prava i izbjeglice Bosne i Hercegovine, broj: 02-50-6-1147/13, od 5.11.2013.;

4. Usvajanje Zapisnika 32. sjednice Doma naroda Parlamentarne skupštine BiH;
5. Odgovori na delegatska pitanja i nova delegatska pitanja;
6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sukobu interesa u institucijama vlasti Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-23/13, od 20.5.2013.;
7. Zahtjev Vijeća ministara BiH za razmatranje Prijedloga zakona o izmjenama i dopunama Zakona o javnim nabavkama Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-25/13, od 29.5.2013.;
8. Zahtjev Vijeća ministara BiH za razmatranje Prijedloga zakona o izmjeni i dopuni Zakona o jedinstvenom matičnom broju po hitnom postupku, u skladu s članom 122. Poslovnika Doma naroda, zakon broj: 01,02-02-1-34/13, od 17.7.2013.;
9. Zahtjev Vijeća ministara BiH za razmatranje Prijedloga zakona o izmjenama i dopunama Zakona o državljanstvu Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-35/13, od 17.7.2013.;
10. Zahtjev Vijeća ministara BiH za razmatranje Prijedloga zakona o izmjenama i dopunama Zakona o prebivalištu i boravištu državljana Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-36/13, od 17.7.2013.;
11. Zahtjev delegatkinje Borjane Krišto za razmatranje Prijedloga zakona o dopunama Zakona o plaćama i naknadama u institucijama BiH po hitnom postupku, predlagač: Predstavnički dom Parlamentarne skupštine BiH, u skladu s članom 122. Poslovnika Doma naroda, zakon broj: 02-02-1-32/13, od 19.7.2013.;
12. Zahtjev delegata Krstana Simića i Dragutina Rodića za razmatranje Prijedloga zakona o izmjeni i dopuni Zakona o krivičnom postupku Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 02-02-1-42/13, od 12.9.2013.;
13. Prijedlog zakona o izmjeni i dopunama Zakona o plaćama i naknadama u institucijama Bosne i Hercegovine (drugo čitanje), predlagač: Vijeće ministara BiH, zakon broj: 01,02-02-1-24/13, od 15.8.2013.;
14. Prijedlog zakona o odgovornosti za nuklearnu štetu (drugo čitanje), predlagač: Vijeće ministara BiH, zakon broj: 01,02-02-1-14/13, od 5.6.2013.;

15. Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera (prvo čitanje), predlagač: Vijeće ministara BiH, zakon broj: 01,02-02-1-21/13, od 12.9.2013.;
16. Prijedlog zakona o programu zaštite svjedoka u Bosni i Hercegovini (prvo čitanje), predlagač: Vijeće ministara BiH, zakon broj: 01,02-02-1-20/13, od 2.7.2013.;
17. Prijedlog zakona o izmjenama Zakona o postupku indirektnog oporezivanja (prvo čitanje), predlagač: Vijeće ministara BiH, zakon broj: 01,02-02-1-41/13, od 10.9.2013.;
18. Prijedlog zakona o izmjeni i dopuni Zakona o akcizama u Bosni i Hercegovini (prvo čitanje), predlagač: Vijeće ministara BiH, zakon broj: 01,02-02-1-44/13, od 20.9.2013.;
19. Prijedlog zakona o izmjenama i dopunama Zakona o slobodi pristupa informacijama u Bosni i Hercegovini (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-38/13, od 24.9.2013.;
20. Prijedlog zakona o zaštiti lica koja prijavljuju korupciju u institucijama Bosne i Hercegovine (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-39/13, od 11.10.2013.;
21. Prijedlog zakona o dopuni Zakona o službenom glasilu Bosne i Hercegovine (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-40/13, od 11.10.2013.;
22. Godišnji izvještaj Visokog sudskog i tužilačkog vijeća Bosne i Hercegovine za 2012., broj: 01,02-50-19-907/13, od 13.8.2013.;
23. Informacija o radu Tužilaštva Bosne i Hercegovine za 2012. godinu, broj: 02-09-495/13, od 15.4.2013.;
24. Razmatranje Mišljenja Zajedničke komisije za odbranu i sigurnost BiH s prijedlogom zaključaka u vezi s blokadom institucija Bosne i Hercegovine 5. – 7.6.2013., broj: 01-50-1-15-49/13, od 27.8.2013.;
25. Informacija o stanju sigurnosti u Bosni i Hercegovini u 2012. godini, materijal Ministarstva sigurnosti BiH, broj: 02-04-563/13, od 10.7.2013.;
26. Informacija o stanju javne zaduženosti Bosne i Hercegovine na dan 31.12.2012., materijal Vijeća ministara BiH, broj: 01,02-16-1-860/13, od 22.7.2013.;
27. Izvještaj revizije učinka - *Upravljanje robom oduzetom u carinskim postupcima*, materijal Ureda za reviziju institucija BiH, broj: 02/3-16-1-820/13, od 12.7.2013.;

28. Izvještaj revizije učinka - *Uslovi za efikasnu i efektivnu kontrolu PDV-a i prisilnu naplatu duga*, materijal Ureda za reviziju institucija BiH, broj: 02/3-16-1-819/13, od 16.7.2013.;
29. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora (Rang-lista Privremene zajedničke komisije oba doma), broj: 01,02-50-14-168-8,1/13, od 29.8.2013.;
30. Prijedlog zaključaka Privremene zajedničke komisije oba doma Parlamentarne skupštine BiH za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine BiH, broj: 02-50-6-16-33/13, od 5.11.2013.;
31. Davanje saglasnosti za ratifikaciju Okvirnog sporazuma o kreditu između Bosne i Hercegovine i Razvojne banke Vijeća Evrope, broj: 01,02-05-2-894/13, od 1.8.2013.;
32. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Latvije o međunarodnom drumskom prijevozu, broj: 01,02-05-2-896/13, od 2.8.2013.;
33. Davanje saglasnosti za ratifikaciju Sporazuma između Bosne i Hercegovine i Češke Republike o međunarodnom drumskom saobraćaju, broj: 01,02-05-2-897/13, od 2.8.2013.;
34. Davanje saglasnosti za ratifikaciju Prvog sporazuma o izmjenama Kreditnog sporazuma (Projekat „Modernizacija Univerziteta u Banjoj Luci“) između Bosne i Hercegovine, koju predstavlja Ministarstvo finansija i trezora BiH, i Raiffeisen Bank International AG, broj: 01,02-05-2-898/13, od 2.8.2013.;
35. Davanje saglasnosti za ratifikaciju SIDA BiH *Munic WatSan - Invest grant* Sporazuma o grantu između Bosne i Hercegovine i Evropske investicione banke, broj: 01,02-05-2-899/13, od 2.8.2013.;
36. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Turske o saradnji u oblasti odbrambene industrije, broj: 01,02-05-2-904/13, od 7.8.2013.;
37. Davanje saglasnosti za ratifikaciju Ugovora broj 1 o amandmanu na Ugovor o zajmu, sklopljen 28. oktobra 2008. (Projekat Koridor 5c) između Bosne i Hercegovine i Evropske banke za obnovu i razvoj, broj: 01,02-05-2-1008/13, od 19.9.2013.;
38. Davanje saglasnosti za ratifikaciju Sporazuma o finansiranju između Bosne i Hercegovine i Evropske komisije u vezi s Državnim programom za 2012. godinu u okviru Instrumenta pretpristupne pomoći, broj: 01,02-05-2-1010/13, od 19.9.2013.;

39. Davanje saglasnosti za ratifikaciju Ugovora o zajmu (Projekat kanalizacije Cazin) između Bosne i Hercegovine i Evropske banke za obnovu i razvoj, broj: 01,02-05-2-1019/13, od 24.9.2013.;
40. Davanje saglasnosti za ratifikaciju Ugovora između Bosne i Hercegovine i Republike Hrvatske o graničnim prijelazima, broj: 01,02-05-2-1009/13, od 19.9.2013.;
41. Davanje saglasnosti za ratifikaciju Sporazuma o zajmu između Bosne i Hercegovine, koju zastupa Ministarstvo finansija i trezora BiH (zajmoprimac), i ERSTE Bank der Oesterreichischen Sparkassen AG, Austria (zajmodavac) – Projekat nabavke medicinske opreme za zdravstvene ustanove u Unsko-sanskom kantonu, broj: 01,02-05-2-1007/13, od 19.9.2013.;
42. Davanje saglasnosti za ratifikaciju Sporazuma o finansiranju između Bosne i Hercegovine i Evropske komisije u vezi s „IPA programom jadranske prekogranične saradnje“ u okviru Instrumenta pretpristupne pomoći, broj: 01,02-05-1054/13, od 7.10.2013.;
43. Davanje saglasnosti za ratifikaciju Sporazuma između Ministarstva civilnih poslova Bosne i Hercegovine i Ministarstva obrazovanja Republike Azerbejdžan o saradnji u oblasti obrazovanja, broj: 01,02-05-1055/13, od 7.10.2013.;
44. Davanje saglasnosti za ratifikaciju Sporazuma između Bosne i Hercegovine i Republike Hrvatske o pograničnom saobraćaju, broj: 01,02-05-1056/13, od 7.10.2013.;
45. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Srbije o predaji i prihvatu lica čiji je ulazak ili boravak nezakonit, broj: 01,02-05-1059/13, od 7.10.2013.;
46. Davanje saglasnosti za ratifikaciju Protokola između Ministarstva sigurnosti Bosne i Hercegovine i Ministarstva unutrašnjih poslova Republike Srbije o provođenju Sporazuma između Vijeća ministara Bosne i Hercegovine i Vlade Republike Srbije o predaji i prihvatu lica čiji je ulazak ili boravak nezakonit, broj: 01,02-05-1060/13, od 7.10.2013.;
47. Davanje saglasnosti za ratifikaciju Dopune br. 1 Finansijskog sporazuma o državnom programu za Bosnu i Hercegovinu – Dio I. u okviru IPA-e – komponenta pomoći u tranziciji i izgradnji institucija za 2009. godinu, broj: 01,02-05-1040/13, od 1.10.2013.;
48. Davanje saglasnosti za ratifikaciju Zajedničke izjave o tumačenju i primjeni člana 11. Sporazuma o slobodnom tranzitu preko teritorije Republike Hrvatske u i iz Luke

Ploče i preko teritorije Bosne i Hercegovine u Neumu, broj: 01,02-05-1041/13, od 1.10.2013.;

49. Davanje saglasnosti za ratifikaciju Amandmana br. 2 na Ugovor o finansiranju, sklopljen između Bosne i Hercegovine i Evropske investicione banke 26.3.2007. u Sarajevu, s naknadnim izmjenama - Projekat obnove puteva u Federaciji BiH, broj: 01,02-05-1068/13, od 9.10.2013.

Ad.1. Prijedlog odluke o razrješenju predsjedavajućeg Doma naroda Parlamentarne skupštine Bosne i Hercegovine, materijal broj: 02-50-6-145/13, od 5.11.2013.

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ognjen Tadić.

Dom naroda je, sa osam glasova „za“, dva glasa „protiv“ i tri glasa „suzdržan“ (iz Federacije BiH pet „za“, tri „suzdržan“, iz Republike Srpske tri „za“ i dva „protiv“), na prijedlog Kluba delegata srpskog naroda u Domu naroda Parlamentarne skupštine BiH, usvojio Odluku o razrješenju Ognjena Tadića, predsjedavajućeg Doma naroda Parlamentarne skupštine BiH.

Ad.2. Prijedlog odluke o izboru predsjedavajućeg Doma naroda Parlamentarne skupštine Bosne i Hercegovine, materijal broj: 02-50-6-146/13, od 5.11.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, sa osam glasova „za“ i pet glasova „suzdržan“ (iz Federacije BiH pet „za“, tri „suzdržan“, iz Republike Srpske tri „za“ i dva „suzdržan“), na prijedlog Kluba delegata srpskog naroda u Domu naroda Parlamentarne skupštine BiH, usvojio Odluku o izboru Staše Košarca za predsjedavajućeg Doma naroda Parlamentarne skupštine BiH.

Ad.3. Prijedlog odluke o smjeni ministra vanjske trgovine i ekonomskih odnosa Bosne i Hercegovine, zamjenika ministra odbrane Bosne i Hercegovine i zamjenice ministra za ljudska prava i izbjeglice Bosne i Hercegovine, materijal broj: 02-50-6-1147/13, od 5.11.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. U raspravi su učestvovali Halid Genjac i Ognjen Tadić.

Dom naroda je, sa osam glasova „za“, dva glasa „protiv“ i tri glasa „suzdržan“ (iz Federacije BiH pet „za“, tri „suzdržan“, iz Republike Srpske tri „za“ i dva „protiv“), na prijedlog Kluba delegata srpskog naroda u Domu naroda Parlamentarne skupštine BiH, usvojio Odluku o smjeni ministra vanjske trgovine i ekonomskih odnosa BiH Mirka Šarovića, zamjenika ministra odbrane BiH Mirka Okolića i zamjenice ministra za ljudska prava i izbjeglice BiH Radmile Mitrović.

Ad.4. Usvajanje Zapisnika 32. sjednice Doma naroda Parlamentarne skupštine BiH

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 12 glasova „za“ i jednim glasom „suzdržan“ (iz Federacije BiH osam „za“, iz Republike Srpske četiri „za“ i jedan „suzdržan“), usvojio Zapisnik 32. sjednice Doma naroda Parlamentarne skupštine BiH.

Ad.5. Odgovori na delegatska pitanja i nova delegatska pitanja

Krunoslav Vrdoljak dobio je odgovor na pitanje postavljeno na 21. sjednici Doma naroda.

Delegat Krunoslav Vrdoljak nije se izjasnio o tome da li je zadovoljan dobivenim odgovorom.

Dragutin Rodić dobio je odgovor na pitanja postavljena na 29. i 30. sjednici Doma naroda.

Delegat Dragutin Rodić nije se izjasnio o tome da li je zadovoljan dobivenim odgovorima.

Krstan Simić dobio je odgovor na dva pitanja postavljena na 30. sjednici Doma naroda.

Delegat Krstan Simić prokomentirao je dobivene odgovore.

Borjana Krišto dobila je odgovor na pitanje postavljeno na 30. sjednici Doma naroda. Delegatkinja Borjana Krišto nije se izjasnila o tome da li je zadovoljna dobivenim odgovorima.

Staša Košarac dobio je odgovor na pitanje postavljeno na 29. sjednici Doma naroda. Delegat Staša Košarac nije se izjasnio o tome da li je zadovoljan dobivenim odgovorima.

Stjepan Krešić dobio je odgovor na pitanje postavljeno na 30. sjednici Doma naroda. Delegat Stjepan Krešić nije se izjasnio o tome da li je zadovoljan dobivenim odgovorima.

Mehmed Bradarić dobio je odgovor na pitanje postavljeno na 32. sjednici Doma naroda. Delegat Krstan Simić prokomentirao je dobivene odgovore.

Nova delegatska pitanja postavili su:

Nermina Kapetanović postavila je sljedeće pitanje Direkciji za evropske integracije BiH:

Molim od Direkcije za evropske integracije odgovor i pojašnjenje na mehanizam koordinacije evropskih poslova u Bosni i Hercegovini. Naime, jedno od dva ključna pitanja za pokretanje evropskih procesa u Bosni i Hercegovini je definiranje mehanizma koordinacije evropskih poslova u BiH.

U vezi s ovim pitanjem, molim odgovore na pitanja:

1. Šta se pod ovim pitanjem tačno misli, ko koordinira, koga, šta je predmet koordinacije, koliko je učestala komunikacija u pitanjima koordinacije nekog tehničkog pitanja?
2. Kako je ovo pitanje riješeno u drugim zemljama (koliko je nivoa odlučivanja ustanovljeno)?
3. Šta je s prijedlogom mehanizama koordinacije koji je nastao kao plod rada Projekta tehničke pomoći Direkciji za evropske integracije?

4. Ko je na ekspertnom nivou bio uključen u izradu prijedloga koji je predsjedavajući Vijeća ministara BiH predstavio Komisiji za EI kao prijedlog Vijeća ministara BiH, koji nije dobio podršku cijelog Vijeća ministara?
5. Možete li nam na nekom primjeru pojasniti kako bi izgledala koordinacija, ko se mora konsultirati, u kojem periodu, šta kada nekoga nema, šta kada je neko protiv, ko je medijator?
6. Tražim da mi u roku od deset dana Direkcija za evropske integracije dostavi Prijedlog mehanizama koordinacije, koji je nastao kao plod rada Projekta tehničke pomoći Direkciji za evropske integracije?

Borjana Krišto postavila je pitanje Ministarstvu pravde BiH, koje glasi:

Nažalost, Bosna i Hercegovina je poznata po kršenju ljudskih prava i sloboda, zagarantiranih Evropskom konvencijom o osnovnim ljudskim pravima i slobodama, o čemu svjedoči, između ostalog, Presuda Evropskog suda za ljudska prava u slučaju Maktouf i Damjanović.

U kontekstu ove presude u javnosti je prisutno pitanje – šta je s drugima čija su prava, također, povrijeđena, retroaktivnom primjenom Zakona, a koji se nisu obratili Ustavnom sudu BiH i Evropskom sudu za ljudska prava.

Stoga, moje pitanje upućujem Ministarstvu pravde BiH: Šta namjeravate preduzeti u pogledu izmjene u krivičnom zakonodavstvu Bosne i Hercegovine kako bi se osigurala jednaka pravna zaštita i drugima čije je pravo, također, povrijeđeno primjenom KZBiH iz 2003. godine?

Ad.6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sukobu interesa u institucijama vlasti Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-23/13, od 20.5.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. U raspravi su učestvovali Halid Genjac i Mehmed Bradarić.

Dom naroda je, s devet glasova „za“, dva glasa „protiv“ i jednim glasom „suzdržan“ (iz Federacije BiH šest „za“, dva „protiv“, iz Republike Srpske tri „za“ i jedan „suzdržan“),

usvojio Zakon o izmjenama i dopunama Zakona o sukobu interesa u institucijama vlasti Bosne i Hercegovine po hitnom postupku, u skladu s članom 122. Poslovnika Doma naroda.

Ad.7. Zahtjev Vijeća ministara BiH za razmatranje Prijedloga zakona o izmjenama i dopunama Zakona o javnim nabavkama Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-25/13, od 29.5.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“, dva glasa „protiv“ i dva glasa „suzdržan“ (iz Federacije BiH šest „za“, dva „protiv“, iz Republike Srpske tri „za“ i dva „suzdržan“), usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o javnim nabavkama Bosne i Hercegovine po hitnom postupku, u skladu s članom 122. Poslovnika Doma naroda.

Dom naroda je potom, sa osam glasova „za“, dva glasa „protiv“ i jednim glasom „suzdržan“ (iz Federacije BiH pet „za“, dva „protiv“, iz Republike Srpske tri „za“ i jedan „suzdržan“), usvojio Zakon o izmjenama i dopunama Zakona o javnim nabavkama Bosne i Hercegovine po hitnom postupku, u skladu s članom 122. Poslovnika Doma naroda.

Ad.8. Zahtjev Vijeća ministara BiH za razmatranje Prijedloga zakona o izmjeni i dopuni Zakona o jedinstvenom matičnom broju po hitnom postupku, u skladu s članom 122. Poslovnika Doma naroda, zakon broj: 01,02-02-1-34/13, od 17.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s deset glasova „za“ i dva glasa „protiv“ (iz Federacije BiH šest „za“, dva „protiv“, iz Republike Srpske četiri „za“), usvojio Zahtjev Vijeća ministara BiH za razmatranje Prijedloga zakona o izmjeni i dopuni Zakona o jedinstvenom matičnom broju po hitnom postupku, u skladu s članom 122. Poslovnika Doma naroda.

Dom naroda je potom, s deset glasova „za“ i dva glasa „protiv“ (iz Federacije BiH šest „za“, dva „protiv“, iz Republike Srpske četiri „za“), usvojio Zakon o izmjeni i dopuni

Zakona o jedinstvenom matičnom broju po hitnom postupku, u skladu s članom 122. Poslovnika Doma naroda.

Ad.9. Zahtjev Vijeća ministara BiH za razmatranje Prijedloga zakona o izmjenama i dopunama Zakona o državljanstvu Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-35/13, od 17.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 11 glasova „za“ i dva glasa „protiv“ (iz Federacije BiH šest „za“, dva „protiv“, iz Republike Srpske pet „za“), usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o državljanstvu Bosne i Hercegovine po hitnom postupku, u skladu s članom 122. Poslovnika Doma naroda.

Dom naroda je potom, s deset glasova „za“ i dva glasa „protiv“ (iz Federacije BiH šest „za“, dva „protiv“, iz Republike Srpske pet „za“), usvojio Zakon o izmjenama i dopunama Zakona o državljanstvu Bosne i Hercegovine po hitnom postupku, u skladu s članom 122. Poslovnika Doma naroda.

Ad.10. Zahtjev Vijeća ministara BiH za razmatranje Prijedloga zakona o izmjenama i dopunama Zakona o prebivalištu i boravištu državljana Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 01,02-02-1-36/13, od 17.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda.

U raspravi su učestvovali: Halid Genjac, Mehmed Bradarić, Borjana Krišto i Nermina Kapetanović.

Dom naroda je, s 11 glasova „za“ i dva glasa „protiv“ (iz Federacije BiH šest „za“, dva „protiv“, iz Republike Srpske pet „za“), **usvojio** Zahtjev Vijeća ministara BiH za razmatranje Prijedloga zakona o izmjenama i dopunama Zakona o prebivalištu i boravištu

državljana Bosne i Hercegovine po hitnom postupku, u skladu s članom 122. Poslovnika Doma naroda.

Nakon toga su delegati iz Kluba bošnjačkog naroda: Sulejman Tihić, Halid Genjac i Nermina Kapetanović izjavili da Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine proglašavaju štetnim po vitalni nacionalni interes bošnjačkog naroda.

Zatim se pristupilo glasanju o tome da li je Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine štetan po vitalni interes bošnjačkog naroda:

Klub hrvatskog naroda, s pet glasova „protiv“, izjasnio se da Prijedlog zakona ne smatra štetnim po vitalni nacionalni interes bošnjačkog naroda.

Klub srpskoga naroda, s pet glasova „protiv“, izjasnio se da Prijedlog zakona ne smatra štetnim po vitalni nacionalni interes bošnjačkog naroda.

Budući da nije postignuta saglasnost o tome da je Prijedlog zakona štetan po vitalni nacionalni interes bošnjačkog naroda, prvi zamjenik predsjedavajućeg Doma je, u skladu s članom 162. Poslovnika Doma naroda, konstatirao da je potrebno formirati zajedničku komisiju, u kojoj će biti tri delegata, od kojih po jednog biraju hrvatski, bošnjački i srpski delegati, radi rješavanja spornog pitanja, te pozvao predsjedavajuće klubova da predlože članove Zajedničke komisije.

Za članove Zajedničke komisije imenovani su: **Halid Genjac** iz bošnjačkog naroda, **Borjana Krišto** iz hrvatskog naroda i **Dragutin Rodić** iz srpskog naroda.

Ad.11. Zahtjev delegatkinje Borjane Krišto za razmatranje Prijedloga zakona o dopunama Zakona o plaćama i naknadama u institucijama Bosne i Hercegovine, predlagач: Predstavnički dom Parlamentarne skupštine BiH, po hitnom postupku, u skladu s članom 122. Poslovnika Doma naroda, zakon broj: 02-02-1-32/13, od 19.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“ i tri glasa „suzdržan“ (iz Federacije BiH pet „za“, dva „suzdržan“, iz Republike Srpske četiri „za“ i jedan „suzdržan“), **usvojio** Zakon o dopunama Zakona plaćama i naknadama u institucijama BiH po hitnom postupku u skladu s članom 122. Poslovnika Doma naroda.

Ad.12. Zahtjev delegata Krstana Simića i Dragutina Rodića za razmatranje Prijedloga zakona o izmjeni i dopuni Zakona o krivičnom postupku Bosne i Hercegovine po hitnom postupku, u skladu s članom 122. Poslovnika Doma naroda, zakon broj: 02-02-1-42/13, od 12.9.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. U raspravi su učestvovali: Halid Genjac i Krstan Simić.

Dom naroda je, s devet glasova „za“, dva glasa „protiv“ i dva glasa „suzdržan“ (iz Federacije BiH četiri „za“ i dva „protiv“, iz Republike Srpske pet „za“), usvojio Zahtjev delegata Krstana Simića i Dragutina Rodića za razmatranje Prijedloga zakona o izmjeni i dopuni Zakona o krivičnom postupku Bosne i Hercegovine po hitnom postupku, u skladu s članom 122. Poslovnika Doma naroda.

Dom naroda je potom, s deset glasova „za“, jednim glasom „protiv“ i dva glasa „suzdržan“ (iz Federacije BiH pet „za“, jedan „protiv“ i dva „suzdržan“, iz Republike Srpske pet „za“), usvojio Zakon o izmjeni i dopuni Zakona o krivičnom postupku Bosne i Hercegovine po hitnom postupku, u skladu s članom 122. Poslovnika Doma naroda.

Ad.13. Prijedlog zakona o izmjeni i dopunama Zakona o plaćama i naknadama u institucijama Bosne i Hercegovine (drugo čitanje), predlagач: Vijeće ministara BiH, zakon broj: 01,02-02-1-24/13, od 15.8.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Zakon o izmjeni i dopunama Zakona o plaćama i naknadama u institucijama Bosne i Hercegovine.

Ad.14. Prijedlog zakona o odgovornosti za nuklearnu štetu (drugo čitanje), predlagač: Vijeće ministara BiH, zakon broj: 01,02-02-1-14/13, od 5.6.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je potom, s 11 glasova „za“, jednim glasom „suzdržan“ (iz Federacije BiH osam „za“, iz Republike Srpske tri „za“ i jedan „suzdržan“), usvojio Zakon o odgovornosti za nuklearnu štetu zajedno sa sljedećim amandmanom:

Amandman I.

U Prijedlogu zakona o odgovornosti za nuklearnu štetu u članu 2. stav (1) tačka c) alineja 1) iza riječi „povredu“ dodaju se riječi: „ ili drugo narušavanje zdravlja čovjeka“.

Ad.15. Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera (prvo čitanje), predlagač: Vijeće ministara BiH, zakon broj: 01,02-02-1-21/13, od 12.9.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera.

Ad.16. Prijedlog zakona o programu zaštite svjedoka u Bosni i Hercegovini (prvo čitanje), predlagač: Vijeće ministara BiH, zakon broj: 01,02-02-1-20/13, od 2.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je potom, s 11 glasova „za“, jednim glasom „suzdržan“ (iz Federacije BiH osam „za“, iz Republike Srpske tri „za“ i jedan „suzdržan“), usvojio u prvom čitanju Prijedlog zakona o programu zaštite svjedoka u Bosni i Hercegovini.

Ad.17. Prijedlog zakona o izmjenama Zakona o postupku indirektnog oporezivanja (prvo čitanje), predlagač: Vijeće ministara BiH, zakon broj: 01,02-02-1-41/13, od 10.9.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 11 glasova „za“, jednim glasom „suzdržan“ (iz Federacije BiH osam „za“, iz Republike Srpske tri „za“ i jedan „suzdržan“), usvojio u prvom čitanju Prijedlog zakona o izmjenama Zakona o postupku indirektnog oporezivanja.

Ad.18. Prijedlog zakona o izmjeni i dopuni Zakona o akcizama u Bosni i Hercegovini (prvo čitanje), predlagač: Vijeće ministara BiH, zakon broj: 01,02-02-1-44/13, od 20.9.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o izmjeni i dopuni Zakona o akcizama u Bosni i Hercegovini.

Ad.19. Prijedlog zakona o izmjenama i dopunama Zakona o slobodi pristupa informacijama u Bosni i Hercegovini (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-38/13, od 24.9.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o izmjenama i dopunama Zakona o slobodi pristupa informacijama u Bosni i Hercegovini.

Ad.20. Prijedlog zakona o zaštiti lica koja prijavljuju korupciju u institucijama Bosne i Hercegovine (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-39/13, od 11.10.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o zaštiti lica koja prijavljuju korupciju u institucijama Bosne i Hercegovine.

Ad.21. Prijedlog zakona o dopuni Zakona o službenom glasilu Bosne i Hercegovine (prvo čitanje), predlagač: Predstavnički dom Parlamentarne skupštine BiH, zakon broj: 02-02-1-40/13, od 11.10.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“ i dva glasa „suzdržan“ (iz Federacije BiH sedam „za“, iz Republike Srpske dva „za“ i dva „suzdržan“), usvojio u prvom čitanju Prijedlog zakona o dopuni Zakona o službenom glasilu Bosne i Hercegovine.

Ad.22. Godišnji izvještaj Visokog sudskog i tužilačkog vijeća Bosne i Hercegovine za 2012., broj: 01,02-50-19-907/13, od 13.8.2013.

Nakon što je obavljeno glasanje u Domu naroda, s pet glasova „za“, tri glasa „protiv“ i jednim glasom „suzdržan“ (iz Federacije BiH pet „za“ i dva „protiv“, iz Republike Srpske jedan „protiv“ i dva „suzdržan“), prvi zamjenik predsjedavajućeg Doma naroda konstatirao je da Godišnji izvještaj Visokog sudskog i tužilačkog vijeća Bosne i Hercegovine za 2012. nije dobio potrebnu entitetsku većinu, te slijedi usaglašavanje u Kolegiju kao komisiji.

Ad.23. Informacija o radu Tužilaštva Bosne i Hercegovine za 2012. godinu, broj: 02-09-495/13, od 15.4.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda.

U raspravi su učestvovali Krstan Simić i Mladen Ivanić.

Nakon što je obavljeno glasanje u Domu naroda, s pet glasova „za“, tri glasa „protiv“ i tri glasa „suzdržan“ (iz Federacije BiH pet „za“ i dva „protiv“, iz Republike Srpske jedan

„protiv“ i tri „suzdržan“), prvi zamjenik predsjedavajućeg Doma naroda konstatirao je da Informacija o radu Tužilaštva Bosne i Hercegovine za 2012. godinu nije dobila potrebnu entitetsku većinu, te slijedi usaglašavanje u Kolegiju kao komisiji.

Ad.24. Razmatranje Mišljenja Zajedničke komisije za odbranu i sigurnost BiH s prijedlogom zaključaka u vezi s blokadom institucija Bosne i Hercegovine 5. - 7.6.2013., broj: 01-50-1-15-49/13, od 27.8.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s deset glasova „za“ i jednim glasom „suzdržan“ (iz Federacije BiH šest „za“ i jedan „suzdržan“, iz Republike Srpske četiri „za“), usvojio zaključke iz Mišljenja Zajedničke komisije za odbranu i sigurnost BiH u vezi s blokadom institucija Bosne i Hercegovine 5. - 7.6.2013., a koji glase:

1. Dom naroda traži od Vijeća ministara BiH da do 1.12.2013. izvrši sljedeće:
 - a) sačini analizu stanja u cijelom sigurnosnom sektoru u BiH i predloži mjere za prevazilaženje sadašnjeg stanja;
 - b) uspostavi jasno razgraničenje nadležnosti pri osiguranjuštićenih objekata;
 - c) preispita svoju odluku o osiguranju objekata DKP-a u BiH.
2. Obavezuje se Vijeće ministara BiH da u roku od 15 dana donese odluku o okupljanju građana ispred institucija BiH, kojom će biti utvrđen pojas u kojem se zabranjuje okupljanje, kako bi institucije mogle nesmetano i sigurno funkcionirati.
3. Nalaže se Vijeću ministara BiH da donese i usvoji prijedlog mjera za postupanje policijskih agencija na nivou BiH u kriznim situacijama.
4. Dom naroda Parlamentarne skupštine BiH traži od Visokog sudskog i tužilačkog vijeća da ispita postupanje tužilaca Tužilaštva Kantona Sarajevo i Tužilaštva BiH u vezi s predmetnim događajima od 5. do 7.6.2013.
5. Dom naroda Parlamentarne skupštine BiH traži od glavnog tužioca Tužilaštva BiH da je obavijesti o sljedećem:
 - a) Da li je glavni tužilac uopće izdao naredbu za prikupljanje informacija u vezi s blokadom institucija BiH?
 - b) Šta je Tužilaštvo BiH preduzelo povodom blokade institucija?

- c) Na osnovu čega je Tužilaštvo BiH zaključilo da u događajima ispred zgrada institucija BiH nema elemenata krivičnog djela?
6. Zajednička komisija predlaže da Predstavnički dom i Dom naroda na raspravu o zaključcima u vezi s dešavanjima i postupanjima tokom protesta građana ispred zgrada institucija BiH od 5. do 7.6.2013. pozovu glavnog tužioca Tužilaštva BiH.
7. Zadužuje se Zajednička komisija za nadzor nad radom OSABiH da održi sjednicu na kojoj će biti ispitana uloga OSABiH u navedenim dešavanjima na Trgu BiH.

Ad.25. Informacija o stanju sigurnosti u Bosni i Hercegovini u 2012. godini, materijal Ministarstva sigurnosti BiH, broj: 02-04-563/13, od 10.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 10 glasova „za“ i jednim glasom „suzdržan“ (iz Federacije BiH sedam „za“, iz Republike Srpske tri „za“ i jedan „suzdržan“), primio k znanju Informaciju o stanju sigurnosti u Bosni i Hercegovini u 2012. godini, sa zaključcima iz Mišljenja Zajedničke komisije za odbranu i sigurnost BiH koji glase:

Parlamentarna skupština BiH traži od Ministarstva sigurnosti BiH da u roku 30 dana informira Zajedničku komisiju za odbranu i sigurnost BiH o sljedećem:

- a) Šta se preduzima u okviru sigurnosnog sektora i agencija za provođenje zakona kako bi se izbjegle negativne implikacije po BiH nakon povratka njenih građana koji ratuju pod zastavom radikalnog islama u Siriji, Iraku, Afganistanu i drugim zemljama?
- b) Šta su preduzele nadležne institucije BiH da se istraže aktivnosti kriminalnih grupa koje su izgradile čvrste pozicije s različitim strukturama vlasti, a koje se spominju u Informaciji o stanju sigurnosti u BiH za 2012. godinu?
- c) Šta su preduzele nadležne institucije BiH prema zaposlenima u različitim organima vlasti, kao i policijskim i sigurnosnim agencijama, koji se dovode u vezu s pojedinim kriminalnim licima?
- d) Šta je Ministarstvo sigurnosti BiH preduzelo da se procesuiraju pojedini nosioci izvršne i sudske vlasti u BiH koji su učestvovali u primanju mita - novca i drugih vrijednosti od nosilaca kriminalnih aktivnosti?

Ad.26. Informacija o stanju javne zaduženosti Bosne i Hercegovine na dan 31.12.2012., materijal Vijeća ministara BiH, broj: 01,02-16-1-860/13, od 22.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je primio k znanju Informaciju o stanju javne zaduženosti Bosne i Hercegovine na dan 31.12.2012.

Ad.27. Izvještaj revizije učinka - *Upravljanje robom oduzetom u carinskim postupcima*, materijal Ureda za reviziju institucija BiH, broj: 02/3-16-1-820/13, od 12.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Izvještaj revizije učinka - *Upravljanje robom oduzetom u carinskim postupcima*, zajedno s preporukama iz Izvještaja i zaključcima iz Mišljenja Komisije za finansije i budžet Doma naroda koji glase:

1. Dom naroda Parlamentarne skupštine BiH traži od Vijeća ministara BiH da do kraja marta 2014. godine izradi zakonske i podzakonske akte kojima će se regulirati oblast upravljanja robom oduzetom u krivičnim, prekršajnim i upravnim postupcima.
2. Dom naroda Parlamentarne skupštine BiH traži od Uprave za indirektno oporezivanje BiH da do kraja decembra 2013. godine usvoji cjelovit pravilnik o upravljanju robom oduzetom u carinskom postupku, kojim će se normativno i institucionalno riješiti nedostaci i propusti u upravljanju tom robom koji su identificirani u Izvještaju o reviziji učinka o temi: „Upravljanje robom oduzetom u carinskim postupcima”.

Ad.28. Izvještaj revizije učinka - *Uslovi za efikasnu i efektivnu kontrolu PDV-a i prisilnu naplatu duga*, materijal Ureda za reviziju institucija BiH, broj: 02/3-16-1-819/13, od 16.7.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Izvještaj revizije učinka - *Uslovi za efikasnu i efektivnu kontrolu PDV-a i prisilnu naplatu duga.*

Ad.29. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora (Rang-lista Privremene zajedničke komisije oba doma), broj: 01,02-50-14-168-8,1/13, od 29.8.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je za članove Upravnog odbora Agencije za razvoj visokog obrazovanja i osiguranje kvaliteta imenovao: Aidu Abadžić-Hodžić, Vladu Majstorovića i Stevana Trbojevića, a za člana koji će preuzeti dužnost umjesto razriješenog člana Upravnog odbora Murisa Čičića imenovao je Zorana Seleskovića.

Ad.30. Prijedlog zaključaka Privremene zajedničke komisije oba doma Parlamentarne skupštine BiH za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine BiH, broj: 02-50-6-16-33/13, od 5.11.2013.

Prvi zamjenik predsjedavajućeg Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio zaključke koje je predložila Privremena zajednička komisija oba doma Parlamentarne skupštine BiH za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine BiH, a koji glase:

1. Zadužuje se Privremena zajednička komisija oba doma Parlamentarne skupštine BiH za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine BiH da, radeći u septembru, oktobru i novembru, a uvažavajući dosadašnje rezultate rada, okonča izradu novih poslovnika Predstavničkog doma i Doma naroda te ih dostavi u parlamentarnu proceduru do kraja novembra 2013. godine.

2. Usvajanjem ovog zaključka stavlja se van snage Zaključak Doma naroda Parlamentarne skupštine BiH, broj: 02-50-6-16-31,3/13, od 23.7.2013.

Prvi zamjenik predsjedavajućeg Doma naroda predložio je objedinjavanje rasprave i izjašnjenja o tačkama Ad.31.- Ad.49., uključujući i tačku Ad.49. dnevnog reda.

Prvi zamjenik predsjedavajućeg Doma naroda otvorio je raspravu o ovom prijedlogu. Nije bilo delegata prijavljenih za raspravu.

Dom naroda jednoglasno je usvojio prijedlog za objedinjavanje rasprave i izjašnjenja o tačkama Ad.31.- Ad.49., uključujući i tačku Ad.49. dnevnog reda.

Dom naroda **dao je** saglasnost za ratifikaciju sljedećih sporazuma, ugovora i protokola:

- Okvirnog sporazuma o kreditu između Bosne i Hercegovine i Razvojne banke Vijeća Evrope, broj: 01,02-05-2-894/13, od 1.8.2013.;
- Sporazuma između Vijeća ministara Bosne i Hercegovine i Vlade Republike Latvije o međunarodnom drumskom prijevozu, broj: 01,02-05-2-896/13, od 2.8.2013.;
- Sporazuma između Bosne i Hercegovine i Češke Republike o međunarodnom drumskom saobraćaju, broj: 01,02-05-2-897/13, od 2.8.2013.;
- Prvog sporazuma o izmjenama Kreditnog sporazuma (Projekat „Modernizacija Univerziteta u Banjoj Luci“) između Bosne i Hercegovine, koju predstavlja Ministarstvo finansija i trezora BiH, i Raiffeisen Bank International AG, broj: 01,02-05-2-898/13, od 2.8.2013.;
- SIDA BiH *Munic WatSan-Invest grant* Sporazuma o grantu između Bosne i Hercegovine i Evropske investicione banke, broj: 01,02-05-2-899/13, od 2.8.2013.;
- Sporazuma između Vijeća ministara Bosne i Hercegovine i Vlade Republike Turske o saradnji u oblasti odbrambene industrije, broj: 01,02-05-2-904/13, od 7.8.2013.;
- Ugovora broj 1 o amandmanu na Ugovor o zajmu, sklopljen 28. oktobra 2008. (Projekat Koridor 5c) između Bosne i Hercegovine i Evropske banke za obnovu i razvoj, broj: 01,02-05-2-1008/13, od 19.9.2013.;


- Sporazuma o finansiranju između Bosne i Hercegovine i Evropske komisije u vezi s Državnim programom za 2012. godinu u okviru Instrumenta pretpristupne pomoći, broj: 01,02-05-2-1010/13, od 19.9.2013.;
- Ugovora o zajmu (Projekat kanalizacije Cazin) između Bosne i Hercegovine i Evropske banke za obnovu i razvoj, broj: 01,02-05-2-1019/13, od 24.9.2013.;
- Ugovora između Bosne i Hercegovine i Republike Hrvatske o graničnim prijelazima, broj: 01,02-05-2-1009/13, od 19.9.2013.;
- Sporazuma o zajmu između Bosne i Hercegovine, koju zastupa Ministarstvo finansija i trezora BiH (zajmoprimac), i ERSTE Bank der Oesterreichischen Sparkassen AG, Austria (zajmodavac) – Projekat nabavke medicinske opreme za zdravstvene ustanove u Unsko-sanskom kantonu, broj: 01,02-05-2-1007/13, od 19.9.2013.;
- Sporazuma o finansiranju između Bosne i Hercegovine i Evropske komisije u vezi s „IPA programom jadranske prekogranične saradnje“ u okviru Instrumenta pretpristupne pomoći, broj: 01,02-05-1054/13, od 7.10.2013.;
- Sporazuma između Ministarstva civilnih poslova Bosne i Hercegovine i Ministarstva obrazovanja Republike Azerbejdžan o saradnji u oblasti obrazovanja, broj: 01,02-05-1055/13, od 7.10.2013.;
- Sporazuma između Bosne i Hercegovine i Republike Hrvatske o pograničnom saobraćaju, broj: 01,02-05-1056/13, od 7.10.2013.;
- Sporazuma između Vijeća ministara Bosne i Hercegovine i Vlade Republike Srbije o predaji i prihvatu lica čiji je ulazak ili boravak nezakonit, broj: 01,02-05-1059/13, od 7.10.2013.;
- Protokola između Ministarstva sigurnosti Bosne i Hercegovine i Ministarstva unutrašnjih poslova Republike Srbije o provođenju Sporazuma između Vijeća ministara Bosne i Hercegovine i Vlade Republike Srbije o predaji i prihvatu lica čiji je ulazak ili boravak nezakonit, broj: 01,02-05-1060/13, od 7.10.2013.;
- Dopune br. 1 Finansijskog sporazuma o državnom programu za Bosnu i Hercegovinu – Dio I. u okviru IPA-e – komponenta pomoći u tranziciji i izgradnji institucija za 2009. godinu, broj: 01,02-05-1040/13, od 1.10.2013.;
- Zajedničke izjave o tumačenju i primjeni člana 11. Sporazuma o slobodnom tranzitu preko teritorije Republike Hrvatske u i iz Luke Ploče i preko teritorije Bosne i Hercegovine u Neumu, broj: 01,02-05-1041/13, od 1.10.2013.;

- Amandmana br. 2 na Ugovor o finansiranju, sklopljen između Bosne i Hercegovine i Evropske investicione banke 26.3.2007. u Sarajevu, s naknadnim izmjenama - Projekat obnove puteva u Federaciji BiH, broj: 01,02-05-1068/13, od 9.10.2013.

Prvi zamjenik predsjedavajućeg zaključio je sjednicu u 16 sati.

Sastavni dio Zapisnika je neautorizirani transkript 33. sjednice Doma naroda Parlamentarne skupštine BiH.

**SEKRETAR
DOMA NARODA**

Marin Vukoja


**PRVI ZAMJENIK PREDSJEDAVAJUĆEG
DOMA NARODA**

dr. Dragan Čović
